

## Rahmad Mega buat kejutan kepada anak

Asrol Awang | [am@hmetro.com.my](mailto:am@hmetro.com.my)



RAHMAD Mega membuat kejutan untuk anaknya, Suhazri Amrin pada Majlis Konvokesyen Universiti Malaysia Pahang (UMP) ke-17 di Kompleks Sukan UMP, Kuantan. FOTO Ihsan UMP

Kuantan: Penyanyi rock terkenal 90-an, Rahmad Tohak atau Rahmad Mega membuat kejutan untuk anaknya, Suhazri Amrin pada Majlis Konvokesyen Universiti Malaysia Pahang (UMP) ke-17 di Kompleks Sukan UMP, di sini, semalam.

Selain muncul di pentas, Rahmad turut menyanyikan lagu popular kumpulan Mega, Takdir dan Waktu sambil ditemani Suhazri, 25, sekali gus menarik perhatian ibu bapa yang hadir pada sesi pertama konvokesyen itu.

Suhazri Amrin antara penerima ijazah sarjana muda, ijazah sarjana, ijazah doktor falsafah dan diploma yang disampaikan oleh Pro Canselor UMP, Tan Sri Dr Abi Musa Asaari Mohamed Nor.

Turut hadir, Pengerusi Lembaga Pengarah UMP, Tan Sri Dr Abdul Aziz Abdul Rahman dan Naib Canselor UMP, Prof Datuk Dr Yusserie Zainuddin.

Rahmad berkata, ibu bapa seharusnya memberikan sokongan atas minat anak masing-masing.

"Kita harus lihat kecenderungan dan potensi anak. Kalau boleh jangan sekat minat mereka," katanya.

**Disiarkan pada: November 6, 2022 @ 4:33pm**